





唐宋詞

温飛卿金奩集

潘閬道遙詞

范成大石湖詞

陳三聘和石湖詞

陳經國龜峰詞

向鎬樂竺詞

王之道相山居士詞

倪倂綺川詞





金奩集

越調

清平樂六首

溫飛卿

庭筠

上陽春晚  
宮女愁蛾淺  
新歲清平思  
同輩爭奈長安路  
遠  
鳳帳鴛被徒熏  
寂寞花鎖千門  
競把黃金買賦  
為妾  
將上明君

洛陽愁葉揚柳花飄雪  
終日行人恣攀折  
橋下水流鳴咽  
上馬爭勸離觴  
南浦鶯聲斷腸  
愁殺平原年少  
回首揮淚千行

朱筆旁注俱從全  
唐詩校出





春愁南陌故國音書隔細雨霏霏梨花白燕拂畫簾金  
額盡日相望王孫塵襜衣上淚痕誰向橋邊吹笛駐馬  
西望銷魂 韋莊

野花芳草寂寞關山道柳吐金絲鶯語早惆悵香閨暗  
老羅帶悔結同心獨凭朱闌思深夢覺半牀斜月小窓  
風觸鳴琴 韋莊

何處遊女蜀國多雲雨雲解有情花解語寧地繡羅金  
縷妝成不整金鈿含羞待月秋千住在綠槐陰裏門臨  
流水橋邊 韋莊

鶯啼殘月繡閣香燈滅門外馬嘶郎欲別正是落花時

金奩集補

菩薩蠻五首 樽前集錄入

玉纖彈麝珍珠落流多暗濕鉛華薄春露浥朝華秋波  
浸晚霞 風流心上物本為風流出看取薄情人羅衣  
無此痕 一本作表國傳

南園滿地堆輕絮愁聞一霎清明雨雨後却斜陽杏花  
零落香 無言彈睡臉枕上屏山掩時節欲黃昏無慘  
獨倚門

夜來皓月才當午重簾悄悄無人語深處麝烟長卧時  
留薄妝 當年還自惜往事那堪憶花露月明殘錦衾



知曉寒

雨晴夜合玲瓏月日萬枝香裊紅絲拂閑亭憶金堂滿庭

萱草長 繡簾垂露歎眉黛遠山綠春水渡溪橋凭闌

魂欲銷

竹風輕動庭除冷珠簾月上玲瓏影山枕隱穠妝綠檀

鳳凰金 兩蛾愁黛淺故國吳宮遠春恨正闌情畫樓殘

點聲

木蘭花

即春曉曲  
集作古詩

全唐詩錄入

家臨長信往來道乳燕雙雙拂烟草油壁車輕金犢肥

流蕪帳曉春鷄早 籠中嬌鳥暖猶睡簾外落花閑不

掃哀桃一樹近前池似惜容顏鏡中老

右金奩集一卷計詞一百四十七闕正統二十西海

虞吳訥所編四部名賢詞之一也纂錄編各分宮

詞以他詞集及詞譜所未有間所全唐詩校勘

申多中禱內中章中莊中四中七中方中映中沈中一中為中歐陽中炯中十中以中

飛卿詞中秘中年中三中為中氣中前中人中采中集中の中人中一中作中飛中江

飛卿專中步中也中按中の中飛中解中有中握中卷中三中開中金中卷中二

其未金奩豈印金卷一中此中邪中元中本中為中梅中禹中金中先

生藏評點余從錢唐江氏得鈔日一



陸放翁跋金匱集

飛卿南鄉子八闋語意工妙殆可追配劉夢得竹枝信之詞傑心也淳熙己酉之秋觀於國史院直廬是日風雨桐葉掃庭

又修六用樂府序

温飛卿北南鄉九闋高曠不減夢得竹枝迄今為深賞者

陸興五  
年心

此彊村手書

節妝成不畫蛾眉含愁獨倚金扉去路香塵莫埽埽時  
即去歸遲 韋莊

遐方怨

憑繡檻解羅幃未得君書腸斷瀟湘春雁飛不知征馬  
幾時歸海棠花謝雨霏霏  
花半拆雨初晴未捲珠簾夢殘惆悵聞曉鶯宿妝眉淺  
粉山橫約鬢鸞鏡裏繡羅輕

訴衷情三首

一名一  
絲風

鶯語花舞春晝午雨霏微金帶枕宮錦鳳皇帷柳弱蝶  
交飛依依遼陽音信稀夢中歸



燭燼香殘簾未捲夢初驚花欲謝深夜月朧明何處接  
歌聲輕輕繡衣塵暗生負春情 韋莊

碧沼紅芳烟雨靜倚蘭橈垂玉佩交帶裹絨腰鴛鴦夢  
隔星橋迢迢越羅香暗銷墜花翹 韋莊

思帝鄉三首

雲鬢墜鳳釵垂髻墜釵垂無力枕函歌翡翠屏深月落

漏依依說盡人間天上

兩心知

韋莊

全唐詩無待字

春日遊杏花吹滿頭陌上誰家年少逞風流妾擬待將

身嫁與一生休縱被無情棄不能羞 韋莊

花花滿枝紅似霞羅袖畫簾腸斷卓香車回面共人閑

語戰篋金鳳斜唯有阮郎春盡不還家

南呂宮

夢江南二首

千萬恨恨極在天涯山月不知心裏事水風空落眼前  
花搖曳碧雲斜

梳洗罷獨倚望江樓過盡千帆皆不是斜暉脉脉水悠  
悠腸斷白蘋洲

河傳六首

江畔相喚曉妝仙景箇女採蓮請君莫向那岸邊少年  
好花新滿船紅袖搖曳逐風暖垂玉腕腸向柳絲斷浦



南歸浦北歸莫知晚來人已稀

湖上閑望雨蕭蕭烟浦花橋路遙謝娘翠蛾愁不銷終  
朝夢魂迷晚潮蕩子天涯歸棹遠春已晚鶯語空腸斷  
若耶溪溪水西柳隄不聞郎馬嘶  
同伴相喚杏花稀夢裏每愁依違仙客一去燕已飛不  
歸淚痕空滿衣天際雲烏引情遠春已晚烟藹渡南苑  
雪梅香柳帶長小娘轉令人意傷

何處烟雨隋隄春暮柳色葱蘢畫橈金縷翠旗高颭香  
風水光灑青蛾殿脚春妝媚輕雲裏綽約司花妓江都  
宮闕清淮月映迷樓古今愁

韋莊

春晚風暖錦城花滿狂殺遊人玉鞭金勒尋勝馳驟輕  
塵惜良辰翠娥爭勸臨卣酒纖纖手拂面垂絲柳歸時  
烟裏鐘鼓正黃昏暗銷魂

韋莊

錦浦春女繡衣金縷霧薄雲輕花深柳暗時節正清明  
雨初晴玉鞭魂斷烟霞路鶯鶯語一望巫山雨香塵隱  
映遙見翠檻紅樓黛眉愁

韋莊

### 蕃女怨二首

萬枝香雪開已遍細雨隻燕鈿蟬箏金雀扇畫梁相見  
雁門消息不歸來又飛回

磧南沙上驚雁起飛雪千里玉連環金簇箭年年征戰



畫樓離恨錦屏空杏花紅

荷葉杯三首

一點露珠疑冷波影滿池塘綠莖紅艷兩相亂腸斷水  
風涼

鏡水夜來秋月如雪採蓮時小娘紅粉對寒浪惆悵正  
相思

楚女欲歸南浦朝雨濕愁紅小船搖漾入花裏波起隔  
西風

中呂宮

菩薩蠻二十首

五首已見尊前集

小山重疊金明滅鬢雲欲度香頰雪嬾起畫蛾眉弄妝  
梳洗遲照花前後鏡花面交相映新貼繡羅襦雙雙

金鷓鴣

頰紫

水晶簾裏珊瑚枕暖香惹夢鴛鴦錦江上柳如烟鴈飛  
殘月天藕絲秋色淺人勝參差剪雙鬢隔香紅玉釵  
頭上風

蕊黃無限當山額宿窻隱笑紗窻隔相見牡丹時暫未  
還別離翠釵金作股釵上蝶雙舞心事竟誰知月明  
花滿枝

翠翹金縷雙鸂鶒水紋細起春池碧池上海棠梨雨晴



紅滿枝 繡衫遮笑靨烟草粘飛蝶青瑣對芳菲玉闕  
音信稀

杏花含露團香雪綠楊陌上多離別燈在月隴明覺來  
聞曉鶯 玉鈎寒翠幙妝淺舊眉薄春夢正闌情鏡中  
蟬鬢輕

玉樓明月長相憶柳絲裊娜春無力門外竹萋萋送君  
聞馬嘶 畫羅金翡翠香燭銷成淚花落子規啼綠窻  
殘夢迷

鳳皇相對盤金縷牡丹一夜經微雨明鏡照新妝鬢輕  
雙臉長 畫樓相望久闌外垂絲柳音信不歸來社前

雙燕回

牡丹花謝鶯聲歇綠楊滿院中庭月想憶夢難成背窻  
燈半明 翠鈿金壓臉寂寞香閨掩人遠淚闌干燕飛  
春又殘

滿宮明月梨花白故人萬里關山隔金雁一隻飛淚痕  
沾繡衣 小園芳草綠家住越溪曲楊柳色依依燕歸  
君不歸

寶函鈿雀金鸚鵡沈香闌上吳山碧楊柳又如絲驛橋  
春雨時 畫樓音信斷芳艸江南岸鸞鏡與花枝此情  
誰得知



紅樓別夜堪惆悵香燈半捲流酥帳殘月出門時美人  
和淚辭 琵琶金翠羽絃上黃鶯語勸我早歸家綠窻  
人似花 韋莊

人人盡說江南好遊人只合江南老春水碧於天畫船  
聽雨眠 壩邊人似月腕皓凝霜雪未老莫還鄉還鄉  
須斷腸 韋莊

如今却憶江南樂當時年少春衫薄騎馬倚斜橋滿樓  
紅袖招 翠屏金屈曲醉入花叢宿此度見花枝白頭  
誓不歸 韋莊

勸君金夜須沉醉尊前莫話明朝事珍重主人酒深

情亦深 須愁春漏短莫訴金杯滿遇酒且呵呵人生  
能幾何 韋莊

洛陽城裏春光好洛陽才子他鄉老柳暗魏王隄此時  
心轉迷 桃花春水淥水上鴛鴦浴凝恨對殘暉憶君  
君不歸 韋莊

玉蝴蝶

秋風淒切傷離行客未歸時塞外草先衰江南雁到遲  
芙蓉凋嫩臉楊柳墮新眉搖落使人悲斷腸誰得知

望遠行

欲別無言倚畫屏含恨暗傷情謝家庭樹錦鷄鳴殘月



落邊城人欲別馬頻嘶綠槐千里長隄出門芳草路淒  
淒雲雨別來易東西不忍別君後却入舊香閨

韋莊

### 黃鐘宮

#### 浣溪沙九首

清曉妝成寒食天柳毬斜裏間花鈿捲簾直出畫堂前  
指點牡丹初綻朶日高獨自凭朱闌含顰不語恨春

殘

韋莊

欲上秋千四體慵擬交人送又心忪畫堂簾幙月明風  
一此夜有情誰不極隔牆梨雪又玲瓏玉容憔悴惹微

紅

韋莊

惆悵夢餘山月斜孤燈照壁背紅紗小樓高閣謝娘家  
暗想玉容何所似一枝春雪凍梅花滿身香霧蔟朝

霞

韋莊

綠樹歲鶯鶯正啼柳絲斜拂白銅鞮弄珠江上草萋萋  
日暮歸何處客繡鞍驄馬一聲嘶滿身蘭麝醉如

泥

韋莊

夜夜相思更漏殘傷心明月傍闌干想君思我錦衾寒  
咫尺畫堂深似海憶來唯把舊書看幾時携手入長

安

韋莊

落絮殘鶯半月天玉柔花醉只思眠惹窗映竹滿壚烟



獨掩畫屏愁不語斜歌瑤枕鬢偏鬢偏此時心在阿誰邊歐陽炯

天碧羅衣拂地垂美人初著更相宜宛風加舞透春肌時獨坐含顰吹鳳竹園中緩步折花枝有情無力泥人歐陽炯

相見休言有淚珠酒闌重得叙歡娛鳳屏鴛枕宿金鋪無蘭麝細香聞喘息綺羅纖縷見肌膚此時還恨薄情歐陽炯

獨立寒階望月華露濃香泛小庭花繡屏愁背一燈斜無雲雨自從分散後人間無路到仙家但憑夢魂訪天

涯張泌

南鄉子八首此八首全唐詩俱作歐陽炯

嫩草如烟石榴花發海南天日暮江亭春影綠鴛鴦浴水遠山長看不足

畫舸停橈檣花籬外竹橫橋水上遊人浣沙女畫回顧笑指芭蕉林下住

岸遠沙平日斜歸路晚霞明孔雀自憐金翠尾臨水認得行人驚不起

洞口誰家木蘭船繫木蘭花紅袖女郎相列去游南浦笑倚春風相對語



二八花鈿胸前如雪臉如蓮耳墜金環穿瑟瑟霞衣窄  
笑倚江頭招遠客

路入南中枕柳葉暗蓼花紅兩岸人家微雨後收紅豆  
樹底纖纖擡素手

袖歛鮫綃採香深洞笑相邀藤杖枝頭蘆酒滴鋪葵席  
豆蔻花間趁晚日

翡翠鸚鵡白蘋香裏小沙汀島上陰陰秋雨色蘆花撲  
數隻漁船何處宿

兩調

歸國遙五首

國一作自  
一作謹

春歆暮滿地落花紅帶雨悵悵玉籠鸚鵡單棲無伴侶  
南望去程何許問花花不語早晚得同歸去恨無隻

翠羽

韋莊

春欲晚戲蝶游蜂花爛熳日落謝家池館柳絲金縷斷  
睡覺綠鬢風亂畫屏雲雨散閑倚博山長歎淚流沾

皓腕

韋莊

金翡翠為我南飛傳我意畫橋邊春水幾年花下醉  
別後只知相媿淚珠難遠寄羅幙繡幃鴛被舊歡如

夢裏

韋莊

香玉翠鳳寶釵垂翠靨鈿篋交勝金粟越羅春水綠



畫堂照簾殘燭夢餘更漏促謝娘無限心曲曉屏山斷續

隻臉小鳳戰篋金甌豔舞衣無力風欵藕絲秋色染錦  
帳繡帷斜掩露珠清晚簾粉心黃蕊花靨黛眉山兩點

應天長二首

綠槐陰裏黃鶯語深院無人春晝午畫簾垂金鳳舞寂  
寞繡屏香一炷碧天雲無定處空有夢魂來去夜夜綠  
窻風雨斷腸君信否

韋莊

別來半歲音書絕一寸離腸千萬結難相見易相別又  
是玉樓花似雪暗相思無處說惆悵夜來烟月想得此

時情切淚沾紅袖黠

韋莊

荷葉杯二首

絕代佳人難得傾國花下見無期一隻愁黛遠山眉不  
忍更思惟閑掩翠屏鳳金殘夢羅幙畫堂空碧天無路  
信難通悵悵舊房櫳

韋莊

記得他年花下深夜初識謝娘時水堂西面畫簾垂携  
手暗相期惆悵曉鶯殘月相別從此隔音塵如今俱是  
異鄉人相見更無日

韋莊

謁金門二首

春漏促金爐暗挑殘燭一夜簾前撼竹夢魂相斷續有



个嬌嬈如玉夜夜繡屏孤宿閒抱琵琶尋舊曲遠山眉  
黛綠韋莊

空相憶無計得傳消息天上嫦娥人不識寄書何處覓  
新睡覺來無力不忍看君書迹滿院落花春寂寂斷腸  
芳草碧韋莊 此首金唐詩韋莊卷中亦不載

江城子三首

思重嬌多情易傷漏長更解鴛鴦未唇未動先覺口脂  
香緩揭繡衾抽皓腕移鳳枕枕潘郎韋莊  
髻鬟狼藉黛眉長出蘭房別檀郎角聲嗚咽星斗漸微  
茫露冷月殘人未起留不住淚千行韋莊

晚日金陵岸艸平落霞明水無情六代餘華暗逝波  
聲空有姑蘓臺上月如西子鏡照江城歐陽炯

小重山

一闌昭陽春又春夜寒宮漏永夢君恩卧思陳事暗銷  
魂羅衣濕紅袂有啼痕歌吹隔重閣繞亭芳艸綠倚長  
門萬般悵悵向誰論顯情立宮殿欲黃昏韋莊

獻衷心

見好花顏色爭笑東風隻臉上晚妝同閉小樓深閣春  
景重重三五夜偏有恨月明中情未已信曾通滿衣猶  
自染檀紅恨不如隻燕飛舞簾櫳春欲暮殘絮盡柳條



空 歐陽炯

賀明朝二首

憶昔花間初識面紅袖半遮妝  
臉輕轉石榴帶故將  
纖纖玉指偷然雙鳳金綫碧梧桐  
鎖深深院誰料得兩  
情何日教繾綣  
羨春來  
雙燕飛到玉樓朝暮相見歐陽  
憶昔花間相見後  
只憑纖手暗拋紅豆人前不解巧傳  
心事別來依舊孤負春書碧羅衣上  
塵金繡覩對對鴛鴦空裏  
淚痕透想韶顏非久終是為伊  
只恁偷瘦歐陽

鳳樓春

鳳髻綠雲叢深掩房櫳錦書通  
夢中相見覺來慵妝面

淚臉珠融  
回想玉郎何處去對淑景誰同  
小樓中春思無窮倚闌  
顛望暗牽愁緒柳花飛起東風  
斜日照簾羅幌香冷粉屏空  
海棠零落鶯語殘紅歐陽炯

林鐘商調

更漏子七首

柳絲長春雨細花外漏聲迢  
迢驚塞雁起城烏畫屏金鷓鴣  
香霧薄透簾幙  
悵悵謝家池閣紅燭背繡簾垂  
夢長君不知

星斗稀鐘鼓歇簾外曉鶯殘  
月蘭露重柳風斜滿庭堆落花  
虛閣上倚闌望還似去年惆悵  
春欲暮思無窮舊



歡如夢中

金雀釵紅粉面花裏暫時相見知我意感君憐此情須  
問天香作穗蠟成淚還似兩人心意山枕膩錦衾寒覺  
來更漏殘

相見稀相憶久眉淺淡烟如柳垂翠幙結同心待郎熏  
繡衾城上月白如雪蟬鬢美人怨絕宮樹暗鵲橋橫玉  
籤初報明

背江樓臨海月城上角聲鳴咽隄柳動鳥烟昏兩行征  
雁分京口路歸帆渡正是芳菲欲度銀燭盡玉繩低一  
聲村落鷄

玉爐香紅蠟淚偏照畫堂秋思眉翠薄鬢雲殘夜長衾  
枕寒梧桐樹三更雨不道離情正苦一葉葉一聲聲空  
階滴到明

鐘鼓寒樓閣暝月照梧桐金井深院閉小庭空落花香  
露紅烟柳重春霧薄燈背水窻高閣閑倚戶暗沾衣待  
郎歸未歸

韋莊

木蘭花

獨上小樓春欲暮愁望玉關芳草路消息斷不逢人却  
歛細眉歸繡戶坐看落花空歎息羅袂濕班紅淚滴  
千山萬水不曾行魂夢欲教何處覓

韋莊

十四

知不足齋正本



高平調

酒泉子五首

月落星沉樓上美人春睡綠雲傾詞金枕膩畫屏深子規啼破相思夢曉時色東方總動柳烟輕花露重思難任章莊  
 花映柳條閑向綠萍池上凭闌干窺細浪雨瀟瀟近來音信兩踈索洞房空寂寞掩銀屏垂翠箔度春宵  
 日映紗窓金鴨小屏山碧故山鄉春烟靄隔背蘭缸宿妝怙悵倚高閣千里雲影薄草初齊花又落雁隻雁  
 楚女不歸樓枕小河春水月孤明風又起杏花稀玉釵斜簪雲鬟髻裙上金縷鳳八行書千里夢雁南飛

裙上縷金鳳五字成句与第二首洞房空寂寞句同

全唐詩与此与異今詞綜作裙上縷金雙鳳雖与第一首六字成句同然已失廬山真面目矣

羅帶惹香猶繫別時紅豆淚痕生新金縷舊斷離腸一  
 隻嬌燕語雕梁還是去年時節綠楊濃芳艸歇柳花狂

定西蕃三首

漢使昔年離別攀弱柳折寒梅上高臺千里玉關春雪  
 雁來人不來羌笛一聲愁絕月徘徊

海燕欲飛調羽萱草綠杏花紅隔簾櫳隻髻翠霞金縷  
 一枝春豔濃樓上月明三五鎖窓中

細雨曉鶯春晚人似玉柳如眉正相思羅幙翠簾初捲  
 鏡中花一枝腸斷塞門消息雁來稀

楊柳枝八首

全唐詩入樂府卷中



宜春苑外最長條  
閑裏春風伴舞腰  
正是玉人腸絕處  
一渠春水赤闌橋

南內橋東御路旁  
須知春色柳絲黃  
杏花未肯無情思  
惱亂何人最斷腸

蘓小門前柳萬條  
綉綉金綫拂平橋  
黃鶯不語東風起  
深闌朱門伴舞腰

金縷綉綉碧瓦溝  
六宮眉黛惹香愁  
晚來更帶龍池雨  
半拂闌干半入樓

館娃宮外鄴城西  
遠映征帆近拂隄  
繫得王孫歸意切  
不同芳艸綠萋萋

兩兩黃鸝色似金  
裏枝啼露動芳音  
春未幸白長如綫  
可惜牽纏蕩子心

御柳如絲映九重  
鳳凰窻近繡芙蓉  
景陽樓畔千條路  
一面新妝待曉風

織錦機邊鶯語頻  
停梭垂淚憶行人  
塞門三月蕭猶索  
縱有垂楊未覺春

仙呂宮

南歌子六首

歌或作柯一  
各春宵曲

手裏金鸚鵡胸前  
繡鳳皇偷眼暗形  
相不如從嫁與作  
鴛鴦



似帶如絲柳團蘓握雪花簾捲玉鈎斜九衢塵欲暮逐

香車

鬢髻低梳髻連娟細掃眉終日兩相思為君憔悴盡百

花時

臉上金霞細眉間翠鈿深欹枕覆鴛衾隔簾鶯百轉感

君心

撲蕊添黃子呵花滿翠鬟鴛枕映屏山月明三五夜對

芳顏

轉眄如波眼娉婷似柳腰花裏暗相招憶君腸欲斷恨

春宵

嬾拂鴛鴦枕休縫翡翠裙羅帳罷爐熏近來心更切為君

河瀆神三首

河上望叢祠廟前春雨來時楚山無限鳥飛遲蘭棹空

傷別離何處杜鵑啼不歇豔紅開盡如血蟬鬢美人愁

絕百花芳草佳節

孤廟對寒潮西陵風雨瀟、謝娘惆悵倚蘭橈淚流玉

筋千條暮天愁聽思歸樂早梅香滿小郭回首兩情蕭

索離魂何處飄泊

銅鼓賽神來滿庭幡蓋徘徊水村江浦過風雷楚山如



畫烟開。離別櫓聲空。蕭索玉容惆悵。妝薄青菱。燕飛落  
捲簾愁對珠閣。

歇指調

女冠子四首

含嬌含笑宿翠殘。紅窗窈窕。髻如蟬。寒玉簪秋水。輕紗捲  
碧烟。雪胸鸞鏡裏。琪樹鳳樓前。寄語青娥伴。早求仙。  
霞帔雲髮鈿鏡。仙容似雪。盡愁眉。遮語回輕扇。含羞下  
繡幃。玉樓相望久。花洞恨來遲。早晚乘鸞去。莫相違。  
四月十七。正是去年今日。別君時。忍淚佯低面。含羞半  
歛眉。不知魂已斷。空有夢相隨。除却天邊月。沒人知。韋莊

昨夜夜半枕上。分明夢見語多時。依舊桃花面。頻低柳  
葉眉。半羞還半喜。欲去又依依。覺來知是夢。不勝悲。韋莊

上行杯二首

此二首詞譜與全唐詩俱作韋莊

芳草灞陵春。岼柳烟深。滿樓絃管一曲離聲。腸寸斷。今  
日送君千萬紅縷玉盤金鏤盞。須勸珍重意。莫辭滿。韋莊  
白馬玉鞭金轡。少年郎。離別容易。迢遞去程。千萬里。惆  
悵異鄉雲水。滿酌一杯和淚。須愧珍重意。莫辭醉。韋莊

天仙子五首

悵望前回夢裏期。看花不語苦尋思。露桃宮裏小腰肢。  
眉眼細。鬢雲垂。唯有多情宋玉知。韋莊



深夜歸來長酩酊扶入流蘓猶未醒醺酒氣麝蘭和  
驚睡覺笑呵呵長道人生能幾何韋莊

蟾未霜華夜不分天外鴻聲枕上聞繡衾香冷嬾熏  
人寂葉紛綫睡依前夢見君韋莊

夢覺銀屏依舊空杜鵑聲咽隔簾櫳玉郎薄倖去無踪  
一日日恨重重淚界蓮腮兩綫紅韋莊

金似衣裳玉似身眼如秋水鬢如雲霞福月帳一羣  
來洞口望烟分劉阮不歸春日曛韋莊

黃鐘宮

喜遷鶯二首

人洶洶鼓鼙鼙襟袖五更風大羅天上月朦朧騎馬上  
虛空香滿衣雲滿路鸞鳳遶身飛舞霓旌絳節一羣  
引見玉華君韋莊

街鼓動禁城開天上探人迴鳳啣金榜出雲來平地一  
聲雷鶯已遷龍已化一夜滿城車馬謝家樓上簇神仙  
爭看鶴冲天韋莊

漁父十五首

張志和

遠山重疊水縈紆水碧山青畫不如山水裏有高居誰  
道儂家也釣魚

釣得紅鮮劈水開錦鱗如畫逐鉤來從掉尾且穿腮不

元本有張志和三字按  
全唐詩張志和漁父詞  
別是五首此或溫擬張  
作也今全唐詩及歷代  
詩餘俱不錄



管前溪一夜雷

桃花浪起五湖春一葉隨風萬里身車宛  
餌輪困水邊時有羨魚人

五嶺風烟絕四隣滿川鳧鴈是交親風觸岸浪搖身青  
草燈深不見人

雪色鬚鬚一老翁時開短棹撥長空微有雨正無風宜  
在五湖烟水中

殘霞晚照四山明雲起雲收陰又晴風脚動浪頭生定  
是虛篷夜雨聲

極浦遙看兩岸花碧波微影弄晴霞孤艇小信橫斜那

箇汀洲不是家

洞庭湖上晚風生風觸湖心一葉橫蘭棹快草衣輕只  
釣鱸魚不釣名

舴艋為舟力幾多江頭雷雨半相和珍重意下長波半  
夜潮生不奈何

垂楊彎外遠山微萬里晴波浸落暉擊楫去本無機驚  
起鴛鴦撲鹿飛

衝波棹子櫂頭船青草湖中欲暮天看白鳥下長川點  
破蒲湘萬里烟

料理絲綸欲放船江頭明月向人圓尊有酒坐無壇拋



下漁竿踏水眠  
風攪長空浪攪風魚龍混雜一川中  
歲遠淑繫長松儘  
待雲收月照空  
舳舻為家無姓名胡盧中有甕頭清香  
稻飯紫尊羹破  
浪穿雲樂性靈  
偶然香餌得長鱣魚大船輕力不任隨遠近  
共浮沈事  
事從輕不要深

金奩集終

逍遙詞

酒泉子

長憶錢塘不是人寰是天上萬家掩映翠微間  
處：水潺湲：異花四季當窻放出入分明在屏障  
別來隋柳幾經秋何日得重遊

其二

長憶錢塘臨水傍山三百寺僧房携杖徧曾遊  
閒話覺云憂梅檀樓閣雲霞畔鐘梵清宵徹  
天漢別來遙禮祇焚香便恐是西方

潘閔 逍遙



其三

長憶西湖湖上春來無景吳姬箇：是神仙競泛木蘭  
船 樓臺簇：疑蓬島野人祇合其中老別來已是二  
十年東望眼將穿

其四

升菴詞品云此詞一時盛傳東坡愛之書  
于玉堂屏風

長憶西湖盡日憑闌樓上望三三兩兩釣魚舟島嶼正  
清秋 笛聲依約蘆花裏白鳥成行忽驚起別來閒想  
整綸竿思入水雲寒

詞品作虞美人詞首句云長憶西  
湖：水上

其五

長憶孤山山在湖心如黛簇僧房四面向湖開輕棹去

還來 芰荷香噴連雲閣：上清聲簷下鐸別來塵土  
污人衣空役夢魂飛

其六

長憶西山靈隱寺前天竺後冷泉亭上幾曾遊三伏似  
清秋 白猿時見攀高樹長嘯一聲何處去別來幾向  
畫圖看終是欠峰巒

其七

長憶高峰峰上增高塵世外昔年獨上最高層月出見  
觚稜 舉頭咫尺疑天漢星斗分明在身畔別來無翼  
可飛騰何日得重登



其八

長憶吳山山上森、吳相廟廟前江水怒為濤千古恨  
猶高 寒鴉日暮鳴還聚時有陰雲籠殿宇別來有負  
謁靈祠遙奠酒盈卮

其九

長憶龍山日月宮中誰得到宮中旦暮聽潮聲臺殿竹  
風清 門前歲、生靈草人採爭食多不老別來已白  
數莖頭早晚却重遊

其十

長憶觀潮滿郭人爭江上望未疑滄海盡成空萬面鼓

聲中 弄濤兒向濤頭立手把紅旗、不濕別來幾向  
夢中看夢覺尚心寒

茂秀茂秀頗有吟性若或忘倦必取大名老夫之言又  
非佞也聞誦詩云入郭無人識歸山有鶴迎又云犬睡  
長廊靜僧歸片石閒雖無妙用亦可播于人口耶然詩  
家之流自古尤少間代而出或謂比肩當其用意款深  
放情須遠變風變雅之道豈可容易而聞之哉其所要  
酒泉子曲子一十首並寫封在宅內也若或水榭高歌  
松軒靜唱盤泊之意縹緲之情亦盡見於茲矣其間作  
用理且一焉即勿以不札翰不謹而為笑耶閣頓首



潘閔謫仙人也放懷湖山隨意吟咏詞翰飄洒非俗子  
所可仰望雖 錢塘而篇章靡有存者酒泉子十首乃  
得之蜀人其石本今在彭之使廳予適為西湖吏宜錄  
諸石庶共其傳

崇寧五年重午日武夷黃靜記

子適竊惟是邦以嚴名州為子陵也以桐廬名郡為桐  
君也二公之所立可以廉貪立懦有不容稱贊者皇朝  
所以作成風俗亦未嘗不在是方削平僭偽平定戎虜  
告成岱宗時則有若潘先生閔楊先生朴魏先生野以  
高節簡知聖心師表一世而句法清古語帶烟霞近時

若疑是而

罕及妄意以為可襲二公之風謹刻梓於郡齋以與有  
志斯道者共之

紹定之元冬十一月辛未山陰陸子適書

升菴詞品云潘閔其人狂逸不檢而詩句往往有出塵  
之語辭曲亦佳

甲午九月十九日校新霽日出步

鷲峰寺前望長橋柳色而歸梅鼎祚

逍遙詞終



石湖詞

滿江紅 冬至

吳郡 范成大 致能

寒谷春生薰叶氣玉筍吹殺新陽後便占新歲吉雲清稊休  
把心情園藥畧但逢節序添詩軸笑強顏風物豈非癡終冰  
俗清晝水佳眠熟門外事何時足且團團同社笑歌相屬著  
意調傳雲露釀從頭檢舉梅花曲卻不能將醉作生

馮休拘束

又

竹裏行厨來問訊諸侯賓老春滿座彈絲未遍揮毫



先了雲避仁風收雨脚日隨和氣薰林表向樽前來  
訪白髯翁衰何早志千里功名兆光萬丈文章耀  
洗冰壺曾次月秋霜曉應念一堂塵網暗故將百和  
香雲繞算賞心情話古來多如今少

又

雨後攜家遊西湖荷花盛開

柳外輕雷催幾陣雨絲飛急雷雨過半川荷氣粉融  
香浥弄蘂攀條春一笑從教水濺羅衣濕打梁州簫  
鼓浪花中跳魚立山倒影雲千疊橫浩蕩舟如葉  
有采菱清些桃根雙楫忘却天涯漂泊地尊前不放  
閒愁入任碧簫十丈卷金波長鯨吸

又

罨畫溪山行歆遍風蒲還舉天漸遠水雲初靜柁樓  
人語月色波光看不定玉虹橫卧金鱗舞弄五湖今  
夜只扁舟追千古懷往事漁樵侶曾共醉松江渚  
算今年依舊一杯滄浦宇宙此身元是客不須悵望  
家何許但中秋時節好溪山皆吾土

千秋歲

重到桃花塢

北城南埭玉水方流匯青樾裏紅塵外萬桃春不老  
雙竹寒相對回首處滿城明月曾同載分散西園  
蓋消減東陽帶人事改花源在神仙雖可學功行無



過醉新酒好就船况有魚堪買

浣溪沙 燭下海棠

傾坐東風百媚生萬紅無語笑逢迎  
照妝醒睡蠟煙輕采蠶橫斜春不夜  
絳霞濃淡月微明夢中重到錦宮城

又

催下珠簾護綺叢花枝紅裏燭枝紅  
燭光花影夜葱籠錦地繡天香霧裏  
珠星璧月綵雲中人間別有幾春風

又 新安驛席上留別

送盡殘春更出游風前蹤跡似沙鷗  
淺斟低唱小淹留月見西樓清夜醉  
雨添南浦綠波愁有人無計戀行舟

又

歛浦殘塘一水通閒雲如幕碧重  
吳山應在碧雲東無力海棠風淡蕩  
半眠官柳日惹蘿眼前春色為誰濃

又 元夕後三日王文明席上

寶髻雙出綺叢妝光梅影各春風  
收燈時候却相逢魚子牋中詞婉轉  
龍香撥上語玲瓏明朝車馬

此首在周名家詞刻入吳  
儂竹洲內內題云沈范石湖  
韻按沈有陳三聘和詞當  
是石湖作無疑竹洲集中  
亟宜刪之



莫西東

又

紅錦障泥杏葉鞦韆解鞍呼渡憶當年馬驕不肯上航  
舡茅店竹籬開蒔市絳裙青袂斲薑田臨平風物  
故依然

又

白玉堂前綠綺踈燭殘歌罷困相扶問人春思肯濃  
無夢裏粉香浮枕簟覺來烟月滿琴書箇儂情分  
更何如

朝中措

丙午立春大雪是歲十  
二月九日丑時立春

東風半夜度關山和雪到闌干怪見梅梢未暖情知  
柳眼猶寒青絲菜甲銀泥餅餌隨分杯盤已把宜  
春縷睜更將長命題籀

又

身閒身健是生涯何況好年華看了十分秋月重陽  
更插黃花消磨景物瓦盆社釀石鼎山茶飽喫紅  
蓮香飯儂家便是仙家

又

繫舡沽酒碧帘坊酒滿睜鵝黃醉後西園入夢東風  
柳色花香水浮天處夕陽如錦恰似鱸鄉中有憶



人雙淚幾時流到橫塘

又

海棠如雪殿春餘  
禽哢晚晴初  
倦客長慚杜宇佳辰  
且醉提壺  
逍遙放浪還他漁子  
輸與樵夫一棹何  
時歸去扁舟終要江湖

又

天容雲意寫秋光  
木葉半青黃  
珍重西風祛暑輕衫  
早怯秋涼  
故人情分留連病客  
孤負清觴陌上千  
愁易散尊前一笑難忘

蝶戀花

春漲一篙添水面  
芳草鵝兒綠滿  
微風岸畫舫夷猶  
灣百轉橫塘塔近  
依前遠  
江國多寒農事晚  
村北村南  
穀雨纔耕遍  
秀麥連崗桑葉賤  
看、嘗麩收新  
蠶

南柯子

槁項詩餘瘦  
愁腸酒後柔  
晚涼團扇欲知秋  
卧看明  
河銀影界天流  
鶴警人初靜  
蟲吟夜更幽  
佳辰秌  
合算花籌除了一天風月更何求

又

悵望梅花驛凝情杜若洲  
香雲低處有高樓  
可惜高



樓不近木蘭舟。絨素雙魚遠。題紅片葉秋。欲憑江  
水寄離愁。江已東流。那肯更西流。

又七夕

銀渚盈。渡金風。緩吹晚香浮動。五雲飛月。姝妬  
人顰畫一。彎眉。短夜難留處。斜河欲淡。時半愁半  
喜。是佳期一度相逢。添得兩相思。

水調歌頭

細數十年事。十處過中秋。今年新夢。忽到黃鶴舊山  
頭。老子箇中不淺。此會天教重見。今古一南樓。星漢  
淡無色。玉鏡獨空浮。歛秦煙。收楚霧。熨江流。關河

離合南北。依舊照清愁。想見姮娥冷眼。應笑歸來霜  
鬢空。敝黑貂裘。醜酒問蟾兔。肯去伴滄洲。

又燕山九日作

萬里漢家使。隻節照清秋。舊京行遍。中夜呼禹濟黃  
流。寥落桑榆西北。無限太行紫翠。相伴過蘆溝。歲晚  
客多病。風露冷貂裘。對重九。須爛醉。莫牽愁。黃花  
為我一笑。不管鬢霜羞。袖裏天書咫尺。眼底關河百  
二。歌罷此生浮。惟有平安信。隨鴈到南州。

西江月

十月誰云春小。一年兩見紅風。一作嬌人間。霜葉滿庭



學別有東風不老一作雲英此夕度藍百媚朝天淡

粉六銖步月生綃雲英寂寞倚藍橋誰伴玉京霜曉

一作霜葉滿庭學  
別有東風不老

又

北客開眉樂歲東君著意華年遮風蔽雨晚雲天應  
怕杏梢紅淺 不惜燈前放夜從教雪後留寒水晶  
簾箔萬花鈿聽徹南樓曉箭

鵲橋仙 七夕

雙星良夜耕慵織懶應被羣仙相妬娟娟月姊滿眉  
顰更無柰風姨吹雨 相逢草草爭如休見重攪別

離心緒新歡不抵舊愁多倒添了新愁歸去

宜男草

籬菊灘蘆被霜後衰長風萬重高柳天為誰展盡湖  
光渺應為我扁舟入手 橋中曾醉洞庭酒輾雲  
濤挂帆南斗追舊游不減高山香猶有人能相記  
否

又

舍北煙霏舍南浪雲傾籬雨荒薇漲問小橋別後誰  
過惟有迷鳥羈雌來往 重尋山水問無恙掃柴荆  
土花塵網留小桃先試先風從此芝草琅玕日長



秦樓月

窓紗薄日穿紅慢催梳掠。催梳掠新晴天氣。畫簷聞  
鶻。海棠逗曉都開却。小雲先在闌干角。闌干角楊  
花滿地夜來風惡。

又

珠簾狹卷簾春。一作西院花園合花園合。晝長人靜。雙

雙胡蝶。花前苦。瑞金蕉葉。曹騰午睡扶頭怯。扶頭  
怯。閒愁無限。遠山斜疊。

又

香羅薄帶圍寬。畫無人覺。無人覺。東風日暮一簾花

落。西園空。鏢鞦韆索。簾垂簾卷。閒池閣。閒池閣。黃  
昏香火畫樓吹角。

又

樓陰缺闌干影。卧東廂月。東廂月。一天風露杏花如  
雪。隔烟催漏金虬咽。羅幃暗淡燈花結。燈花結。片  
時春夢江南天濶。

又

浮雲集輕雷隱。初驚蟄。初驚蟄。鶉鳴怒綠楊風  
急。玉爐烟重香羅浥。拂墻濃杏燕脂溼。膩脂濕。花  
梢缺處畫樓人立。



念奴嬌

雙峰疊障。過天風海雨。無邊空碧。月姊年。應好在  
玉闕瓊宮愁絕。寂誰喚。癡雲一杯未盡。夜氣寒。無色碧  
城凝望。高樓縹緲西北。腸斷。桂冷蟾孤。佳期如夢  
又把闌干拍。霧鬢風鬟相借。問浮世幾回。今夕圓缺  
晴陰古今同恨。我更長。客。嬋娟明夜樽前誰念南  
陌

又

十年舊事。醉京花。蜀酒萬葩千萼。一棹歸來吳下看  
俯仰。心情今昨。強倚雕闌。羞簪雪鬢。老恐花枝覺。措

摩愁眼霧中相對。依約聞道家。譙團團光風轉夜  
月傍西樓。落打徹梁州春自遠。不飲何時歡樂。沾惹  
天香留連。國艷莫散。燈前酌。襪塵生處。為君重賦河  
洛

又

吳波浮動。看中流。翻月半江金碧。醉舞空明三萬頃  
不管姮娥愁寂。指點瓊樓。憑虛有路。鯨背橫東極。水  
雲飄蕩。闌干千丈無力。家世回首滄洲。烟波漁釣  
有。鷓夷仙迹。一笑閒身遊物外。來訪扁舟消息。天上  
今宵人間此地。我是風前客。濤生殘夜。魚龍驚聽橫



笛

又

水鄉霜落望西山。一寸脩眉橫碧。南浦潮生帆影去。日落天青江白。萬里浮雲被風吹散。又被風吹積。尊前歌罷滿空凝。淡寒色。人世會少離多。都來名利似蠅頭。蟬翼贏得長亭車馬路。千古羈愁如織。我輩情鍾。匆匆相見。一笑真難得。明年誰健。夢魂飄蕩南北。

又  
和徐尉  
遊石湖

湖山如畫繫孤篷。柳岸莫驚魚鳥料峭。春寒花未遍。

先共疎梅索笑。一夢三年。松風依舊。蘿月何曾。老鄰家相問。這回真箇歸到。綠鬢新點。吳霜樽前強健。不怕衰翁。賴有風流車馬客。來覓香雲花鳥。似我簾豪。不通姓字。只要銀瓶倒。奔名逐利。亂帆誰在天表。

惜分飛

易散浮雲難再聚。遮莫相隨百步。誰喚行人去。石湖烟浪漁樵侶。重別西樓腸斷否。多少淒風苦雨。休夢江南路。長夢短無尋處。

夢玉人引



送行人去猶追路再相覓。天末交情長是合堂同席。  
從此尊前便頓然少箇江南羈客。不忍怱怱少駐船  
梅驛酒斟雖滿尚少如別淚萬千滴。欲語吞酸結  
心相對嗚咽燈火淒清。笙歌無顏色。從別後儘相忘  
算也難忘今夕。

又

共登臨處飄然袂倚空碧。兩捲雲飛長有桂娥看客。  
簫鼓生春徧錦城如畫。雪山無色一夢纏成。況天涯  
南北舞餘歌罷料宣華回首盡陳迹。萬里秦吳有  
情應問消息。我欲歸耕如何重來得。故人若望江南。

且折梅花相憶

如夢令

罨畫屏中客住。水色山光無數。斜日滿江聲。何處攬  
來小渡。休去。休去。驚散一洲鷗鷺。

又

兩鬢鬢啼何許。尋遍綠陰濃處。天氣潤羅衣。病起却  
快微暑。休雨。休雨。明日榴花端午。

菩薩蠻

小軒今日開牕了。揉藍染碧綠。堦草蒼佩可憐。風杏  
梢烟兩紅。飄零歡事少。鬢點吳霜早。天色不愁人。



眼前無限春

又

雪林一夜收寒了。東風恰向燈前到。今夕是何年新。春新月圓。綺叢香霧隔。猶記踈狂客。留取縷金幡。夜娥相並看。

又

黃梅時節春蕭索。越羅香潤吳紗薄。絲雨日朧明。柳梢紅未晴。多愁多病後。不識曾中酒。愁病送春歸。恰如中酒時。

臨江仙

羽扇綸巾風嫋々。東廂月到。薔薇新靨。誰喚出羅幃。龍鬚將笛統。鴈字入箏飛。陶寫中年須箇裏。留連月扇雲衣。周郎去後。賞音稀。為君持酒聽。那肯帶春歸。

又

萬事灰心猶薄宦。塵埃未免勞形。故人相見似河清。恰逢梅柳動。高興逐春生。卜晝匆匆。還卜夜仍須。月墮河傾。明年我去。白鷗盟。金閨三玉樹。好問紫霄程。

減字木蘭花



玉烟浮動銀闕三山連海凍翠袖闌干不怕樓高酒  
力寒 雙松凍柳忽憶衰翁容易別想見鷗邊壓損  
年時小釣舡

又

折殘金菊棖子香時新酒熟誰伴芳尊先問梅花借  
小春 道人破戒染酒題詩金鳳帶愁病相關不似  
年時酒量寬

又

波嫵鬢裏中隱堂前人意好不奈春何拚却輕寒透  
薄羅 剪梅新曲欲斷還聯三疊促圍坐風流饒我

尊前第一籌

又

枕書睡熟珍重月明相伴宿寶鴨金寒香滿圍屏宛  
轉山 雞人敲杳瑤井玉人相對曉黯淡牕紗却下  
風簾護燭花

又

臘前三白春到西園還見雪紅紫花遲借作東風萬  
玉枝 歸田計決麥飯熟時應快活身在高樓心在  
山陰一葉舟

鷓鴣天



休舞銀貂小契丹。滿堂賓客盡關山。從今裹裏盈  
處誰復端。正看。模淚易。寫愁難。滿湘江上竹  
枝斑。碧雲日暮無書寄。寥落烟中一鴈寒。

又

蕩漾西湖采綠蘋。揚鞭南埭袞紅塵。桃花暖日茸  
笑楊柳光風淺。顰。章貢水。鬱孤雲。多情爭似桂  
江春。崔徽卷袖瑤姬夢。縱有相逢不是真。

又

嫩綠重。看得成。曲闌幽檻小。紅英餘醪。架上蜂兒  
鬧。楊柳行間燕子輕。春婉晚。客飄零。殘花淺。酒片

得本在浙

有本在自

時清一盃且買明朝事。送了斜陽月又生。

又雪梅

壓蘂拈鬚粉作團。疎香辛苦顫朝寒。須知風月尋常  
見。不似層。帶雪看。春髻重。曉眉彎。一枝斜並篔  
金簫。酒紅不解東風凍。驚怪釵頭玉燕乾。

好事近

雲幙暗千山。腸斷玉樓金闕。應是高唐小婦。妬姮娥  
清絕。夜涼不放酒杯寒。醉眼漸生。纈何待桂華相  
照。有人。如月。

又



昨夜報春來的。曉嶺梅開。雪攜手玉人同賞。比看誰  
奇絕。闌干倚遍。憶多情。怕角聲嗚咽。與折一枝斜  
帶。襯鬢雲梳月。

卜算子

涼夜竹堂虛。小睡匆。醒銀漏無聲。月上階滿地。闌  
干影。何處最知秋風在。梧桐井。不惜駢鸞弄玉簫。  
露濕衣裳冷。

又

雲壓小橋深。月到重門靜。冷葉疎枝半不禁。更看橫  
窻影。回首故園春。往事難重省。半夜清香入夢來。

從此燠爐冷

三登樂

一碧鱗。橫萬里。天岳吳楚。四無人。櫓聲自語。向浮雲  
西下處。水村烟樹。何處繫船。暮濤漲浦。正江南。搖  
落後。好山無數。儘乘流興來。便去對青燈。獨自嘆一  
生。羈旅。欹枕夢寒。又還夜雨。

又

路轉橫塘。風捲地。水肥帆飽。眼雙明。曠懷浩渺。問菟  
裘無恙否。天教重到。木落霧收。故山更好。過溪門休  
蕩槳。恐驚魚鳥。算年來。識翁者少。喜山林蹤跡在何



曾如掃。歸鬢任霜。醉紅未老。

又

今夕何期。披岫幌。雲闌重啟。引冰壺。素空似洗。捲簾  
中。欵枕上。月星浮水。天鏡夜明。半窓萬里。盼庭柯  
都老大。樹猶如此。六年前。轉頭未幾。喚隣翁來話舊  
同。芻新蟻。秉燭夜闌。又疑夢裏。

又

方帽衝寒。重檢校。舊時農圃。荒三徑。不知何許。但姑  
蘓臺下。有蒼然平楚。人笑此翁。又來訪古。况五湖  
元自有。扁舟祖武。記滄洲。白鷗伴侶。數年來。孤負了。

一蓑烟雨。寂寞潮暮。喚回棹去。

浪淘沙

黯淡養花天。小雨能慳。烟輕雲薄有無間。官柳絲  
都綠遍。猶有春寒。空翠濕征鞍。馬首千山。多情若

是肯俱還。別有玉盃承露冷。留共君看。

玉杯官舍中  
牡丹絕品也

虞美人 寄人覓梅

霜餘好探梅消息。日下溪橋側。不如君有似梅人歌  
裏。工顰妍笑。兩眉春。疎枝冷葉風情少。却稱衰翁  
老。從教來作靜中隣。冷淡無言無笑也。無顰。

又



石湖詞  
落梅時節冰輪滿。何似中秋看瓊樓玉宇一般明。只  
為姮娥添了萬枝燈。錦江城下盃殘後。還照鄞江  
酒。天東相見說天西。除却衰翁和月更誰知。

又

玉簫驚報同雲重。仍怪金瓶凍。清明將近雪花翻。不  
道海棠消瘦。柳絲寒。王孫沉醉我氈幕。誰怕羅衣  
薄。燭燈香霧兩厭厭。髣髴有人愁損上眉尖。

又紅木犀

誰將擊碎珊瑚玉。裝上交枝粟。恰如嬌小萬瓊妃。塗  
罷額黃。嫌怕污燕支。直深未覺清香絕。風露落

月滿身。花影弄淒涼。無限月和風露一齊香。

醉落魄元夕

春城暎絕。暮林風舞。催花發。垂雲捲盡添空濶。吹上  
新年美滿十分月。紅蕖影下勾絲抹。老來牽強隨  
時節。無人知道。心情別。惟有蛾兒驚見鬢邊雪。

石湖詞跋  
石湖詞跋  
石湖詞跋

石湖詞跋  
石湖詞跋  
石湖詞跋

石湖詞終



石湖詞補遺

醉落魄

栖鳥飛絕絳河綠霧星明滅燒香曳箆眠清樾花影  
吹笙滿地淡黃月好風碎竹聲如雪昭華三弄臨  
風咽鬢絲撩亂綸巾折涼滿北窓休共軟紅說

朝中措

長年心事寄林高塵鬢已星星芳意不如水遠歸心  
欲與雲平留連一醉花殘日永雨後山明從此量  
船載酒莫教閒却春情

眼兒媚

萍鄉道中乍晴卧輿中困甚小憩柳塘

酣日脚紫烟浮妍暖試輕裘困人天氣醉人花底  
午夢扶頭春慵恰似春塘水一片縠紋愁溶溶淺  
淺東風無力欲皺還休

霜天曉角

晚晴風歇一夜春威折脉脉花踈天淡雲來去數枝  
雪勝絕愁亦絕此情誰共說惟有兩行低鴈知人  
倚畫樓月以上四闋見絕妙好詞

一落索

南浦舟中與江西帥漕酌別夜後忽大雪

畫戟錦車皆雅故簫鼓留連客住南浦春波莫難忘  
羅鞵生塵處明日船旗應不駐且唱斷腸新句捲



盡珠簾雨雪花一夜隨人去

菩薩蠻 湘東驛

客行忽到湘東驛。明朝真是瀟湘客。晴碧萬重雲。幾時逢故人。江南如塞北。別後書難得。先自鴈來稀。那堪春半時。

滿江紅 清江風帆甚快作此與客劇飲歌之

千古東流聲捲地。雲濤如屋。橫浩渺。檣竿十丈不勝帆腹。夜雨翻江。春浦漲。船頭鼓急。風初熟。似當年呼禹亂黃川。飛梭速。擊楫誓空驚俗。休拊髀。都生肉。任炎天冰海。一杯相屬。荻笋萋芽新入饌。鷓鴣絃鳳吹。

能翻曲笑人間何處似尊前添銀燭

謁金門 宜春道中野塘春水可喜有懷舊隱

塘水碧仍帶麴塵顏色泥。縠紋無氣力。東風如愛惜。恰似越來溪側也。有一隻鷓鴣。只欠柳絲千百尺。繫船春弄笛。

秦樓月 寒食日湖南提舉胡元高家席上聞琴

湘江碧故人同作湘中客。湘中客。東風回鴈杏花寒食。溫二月到藍橋側。醒心絃裏春無極。春無極。明朝殘夢馬嘶南陌。以上五闋見花菴絕妙詞選



和石湖詞

滿江紅 冬至

宋東吳 陳三聘 夢敬

薄日輕雲天氣好相將祈穀民情喜頌聲洋溢清風  
斯穆飲酒不多元有量吟詩無數添新軸對故人一  
笑我真愚君無俗 斜川路經行熟黃花在歸心足  
問淵明去後有誰能屬神武衣冠驚夢裏江湖漁釣  
論心曲但從今散髮更披襟誰能束

又

天意一作無情天若道有情亦老功名事問天因甚



蒙人不了好伴雲煙耕谷口休將翰墨傳江表美鬢  
邊能得幾春風驚秋早陶令尹張京兆懷舒嘯貪  
榮耀盡南柯一夢漏殘鐘曉滕閣暮霞孤鷺舉庾樓  
明月烏飛繞念老來于此興無窮知音少

又

紺縠浮空山擁髻晚來風急吹驟雨藕花千柄豔妝  
新浥窺鑑粉光猶有淚凌波羅襪何曾濕訝漢官朝  
罷玉皇歸凝情立樽前恨歌三疊身外事輕飛葉  
悵當年空擊誓江孤楫雲色遠連平野盡夕陽偏傍  
疎林入看月明冷浸碧琉璃君須吸

鑑一作鏡

又

斜日鎔金三萬頃棹歌齊舉風不動采蘋雙槳翠鬢  
相語月殿歆浮蟾兔魄海神不放魚龍舞到今宵秋  
氣十分清無今古君試喚扁舟侶來伴我瀟湘渚  
共夷猶春浪笑歌秋浦霸越獨高身退後塵纓未濯  
人誰許歎酒盃不到子陵臺劉伶土

千秋歲 重到桃花塢

當年漁隱路轉桃溪匯流水下青山外客行花徑曲  
月上松門對撐艇子雪中蓑笠親曾載老去誰傾  
蓋腰瘦頻移帶人健否花仍在明年春更好來向花



前醉青鬢改恁時難拚千金買

浣溪沙 燭下海棠

酒力先從臉暈生粉妝新麗笑相迎  
曉寒高護彩雲輕不語似愁春力淺  
有情應恨燭花明更于何處覓傾城

又

翠幕遮籠錦一叢樽前初見淺深紅  
淡雲和月影葱籠醉態只疑春睡裏  
啼妝愁聽雨聲中更燒銀燭醉東風

又新安驛席上留別

不怕春寒更出游蘭橈飛動却驚鷗  
煙光佳處輒遲留屏曲未曾歌醉夢  
眉尖空只鎖閒愁從教絲柳絆行舟

又

越浦潮來信息通吳山不見暮雲重  
人生何事各西東煙外好花紅淺淡  
雨餘芳草綠葱蘢苦無歡意敵春風

又元夕後三日王文明席上

點檢尊前花柳叢于中偏占牡丹風  
等閒言語慣迎逢扇影不搖珠的皪  
釵梁斜亸玉玲瓏夢魂長向



楚江東

又

不躍銀鞍與繡韉曲筇芒屨見衰年尋幽來立渡頭  
船碧澗芹羹珍下筍紅蓮香飯樂歸田不妨樽酒  
興悠然

又

簾壓低垂月影踈梅枝和雪玉相相扶兒家春信入  
來無半墜寶釵慵覽鏡任偏羅髻却拈書琴心誰  
與問相如

朝中措

丙午立春大雪是歲十  
二月九日丑時立春

朝來和氣滿西山柱頰小闌干柳色野塘幽與梅花  
紙帳輕寒三盃淡酒玉腴蔬嫩青縷堆盤細寫池  
塘詩夢玉人剪做春幡

又

求田何處是生涯雙鬢已先華隨分夏涼冬暖賞心  
秋月春花吾年如此愁來問酒困後呼茶結社竹  
林詩老卜隣江上漁家

又

去年曾醉杏花坊柳色間輕黃重覓舊時行迹春風  
滿路梅花平沙岸草夫差故國知是吾鄉夢斷數



聲柔櫓只應已過橫塘

又

草堂春過一分餘  
出事酒醒初  
琴調細鳴焦木  
矢聲不斷銅壺  
關心事藥裏  
忘年蓑笠自著  
潛夫雨後長鏡  
東麓月明短艇  
西湖

又

秋山橫截半湖光  
湖渚橘枝黃  
紈扇罷搖  
蟬影練衣已怯  
風涼  
挿紅裂蟹  
銀絲鱸  
鯽莫負傳觴  
醉裏乾坤  
廣大人間  
寵辱兼忘

蝶戀花

閩闔城西山四面  
鴨綠鱗鱗  
輕拍橫塘岸  
一陣東風  
羊角轉望中  
已覺孤帆遠  
獨恨尋芳  
來較晚  
柘老桑柔  
農務村々  
遍山鳥  
勸沽官酒  
賤炊烟  
深巷聽綠

南柯子

別後驚人遠  
歸心怯櫓柔  
晚天涼  
思冷于秋  
冷浸一溪  
明月水瀾流  
醉裡狂  
仍在吟餘  
趣極幽  
夜深何用  
數更籌  
別有好風吹  
酒不須求

又

烟樹觀前浦  
風蘋聽遠洲  
等閒來上水  
邊樓  
悵望天



涯何處有歸舟 香斷燈花夜歌停扇影秋歎絨尺  
素說離愁不見雙魚空有大江流

又七夕

月傍雲頭吐風將雨脚吹夜深烏鵲向南飛應是星  
娥顰恨入雙眉 舊怨垂千古新歡只片時一年屈  
指數佳期到得佳期別了又相思

水調歌頭

玉鑑十分滿清露一年秋漂流蹤跡誰念楚尾與吳  
頭此夜刮明塵眼望極好張詩膽何處有高樓浩蕩  
銀潢冷縹緲白雲浮 笑勞生難坎止亦乘流闌干

拍碎清夜起舞不勝愁萬里關河依舊一寸功名烏  
有清淚滴衣袞老去心空在歸夢遠蘋洲

又燕山九  
日作

有客念行役勁氣凜于秋男兒未老銜命如虜亦風  
流決定平戎方畧恢復舊燕封壤安用割鴻溝莫獻  
驕驕馬好衣白狐裘 我何人懷壯節但凝愁平生  
未逢知己噲伍實堪羞金馬文章何在玉鼎勲庸何  
有一笑等閒雲浮拚斷好風月羯鼓打梁州

西江月

詩眼曾逢花面畫圖還識春嬌當年風格太妖饒粉



賦酥柔更好 酒暈不溫香臉玉慵猶怯輕綃春風  
別後又秋高再見只應人老

又

春事已濃令多日遊人偏盛今年梨花寒食雨餘天鴨  
綠含風浪淺 翠袖半黏飛粉羅衣尚怯輕寒不辭  
歸路委香鈿門外東風如箭

鵲橋仙 七夕

銀潢仙仗離多會少朝暮世情休妬夜深風露洒然  
秋又莫是輕分淚雨 雲收霧散漏殘更盡遙想雙  
星情緒憑誰批敕訴天心待留住今宵休去

宜男草

搖落丹楓素秋後舞長亭尚餘衰柳別夢回憶得霜  
柑分我應 有濃香喚手 宿醒誰解三盃酒曉山  
橫望中銜斗人去也縱得相逢似舊問當日紅顏在  
否

又

綠水黏天淨無浪轉東風縠紋微漲箇中趣莫遣人  
知容我日日扁舟獨往 平生書癖已無恙解名韉  
更逃羈網春近也梅柳頻看枝上玉蘂金絲暗長

秦樓月



雲衣薄春晴自有東風掠東風掠試聽枝上幾聲乾  
鵲 曲屏心事新題却離愁何用堆眉角堆眉角今  
朝莫是打頭風惡

又

花前狹翠茵圍坐花陰合花陰合閒情不似一雙狂  
蝶 春溝何處尋紅葉春寒料想羅衣怯羅衣怯午  
醺醒未翠衾重疊

又

光風薄楊花欲謝春應覺春應覺一庭紅杏粉花吹  
落 冶遊無復飛紅索凭高獨上湖邊閣湖邊閣黃

昏獨倚畫闌西角

又

青樓缺樓心人待黃昏月黃昏月入簾無奈柳綿吹  
雪 誰人弄笛聲嗚咽傷春未解丁香結丁香結鱗  
鴻何處路遙江濶

又

春膏集新雷忽起龍蛇蟄龍蛇蟄柳塘風快水流聲  
急 傷心有淚憑誰浥尊前容易青衫濕青衫濕渡  
頭人去野舡鷗立

念奴嬌



浮雲吹盡捲長空千頃都凝寒碧兔杵無聲風露冷  
天也應憐人寂故遣姮娥駕蟾飛上玉元同色天  
津何事此時偏界南北不但對影三人我歌君和  
我舞君須拍滌洗胸中愁萬斛莫問今宵何夕老矣  
休論著鞭安用一笑真狂客夜深歸去爛然溪上阡  
陌

又

晴風麗日算東君拆遍梅心桃萼獨有名花開殿後  
一笑嫣然如昨黃袂層膚霞冠高擁多態春才覺雨  
巾風帽故人來趁花約好是羅綺添春香風環坐

半醉金釵落老去心情難似舊手撚花枝為樂麝馥  
縈妝愁花凝恨莫惜金荷酌酒闌花睡夢魂重到京  
洛

又

水空高下望沉々一色渾然蒼碧天籟不鳴涼有露  
金氣橫秋寂々玉宇瓊樓望中何處月到天中極御  
風歸去不愁衣袂無力此夜飄泊孤篷短歌誰和  
自笑狂蹤跡只尺藍橋仙路遠宵々雲英消息踈影  
婆娑恍然身世我是樽前客一轂悽怨倚樓誰弄長  
笛



又

餘霞飛綺望長天頃刻雲容凝碧今夕江皋風力軟  
明日波心頭白客舸東流語離深夜遣我新愁積春  
融花麗定知天相行色別後一帑鄉書故人相問  
好趁秋鴻翼空有佳人千點淚錦字機中曾織利鎖  
名韉古今同是誰失知誰得來朝愁望舊樓何處西  
北

又  
和徐尉  
遊石湖

扁舟此計問當年誰與尋盟鷗鳥許國勲名彛昂在  
風月不妨吟笑碧草臺邊紅雲溪上壽杖扶詩老水

浮天處未應俗駕曾到盛事埒美知章鑑湖君賜  
宸翰今題跡指點飛烟輕霽外有路直通仙島蓑笠  
漁舡琴書客坐清夜樽壘倒未須歸去片鱗未上林  
表

惜分飛

莫唱驪駒容首聚花徑重來微步從此朝天去故山  
怨鶴栖猿侶試卜西園春在否無奈濛濛細雨明  
日長亭路斷菟芳草人何處

夢玉人引

別來何處酒醒後夢難覓晚日溪亭清曉便挂帆席



和春滿  
滿載離愁指去程還作江南行客目斷層城數迢  
山驛素巾空染淚痕斑應是暗中滴記得輕分玉  
簫猶自淒咽昨夜東風梅柳驚春色料伊也沒心情  
過却好天良夕

又

倚欄干久人不見暮雲碧芳草池塘春夢暗驚詩客  
昨夜溪梅向雪裏輕勻顏色好贈行人折枝南  
枝北雨中風帽昔追遊誰念舊蹤跡料得疎籬暗  
香時度風息淡月微雲有何人消得便歸去路溪橋  
慰我經年思憶

如夢令

紅紫不將春住風定更飄無數溪漲綠含風短艇晚  
橫沙渡歸去歸去宿念西池鴛鷺

又

珍重故人相許來向水亭幽處文字間金釵消盡晚  
天微暑無雨無雨不比尋常端午

菩薩蠻

筇枝探得梅開了青鞋漸踏江頭草日暮作東風海  
棠相次紅離多良會少此計應須早莫待作行人  
却將愁送春



又

春城辨得紅蕖了紅蕖未點春先到新月入新年方  
纔今夜圓 雲屏誰為隔賜斷金釵客好語寫春禧  
都教席上看

又

楊花滿院飛紅索春光不似人情薄樓閣斷霞明梨  
花開晚晴 玉虬香散後扶困三盃酒不是聽思歸  
歸心思此時

臨江仙

夜飲只愁更漏促留連笑骨蓄薇歌聲繚繞徹簾幃

坐中清淚落梁上暗塵飛 重覩舞腰驚束素不應  
更褪羅衣別來容易見來稀次公狂已甚不醉亦忘  
歸

又

白首故人重會面論交爾汝忘形從今心跡喜復清  
飛鴻追往事為蝶笑餘生 琥珀盃濃春正好此懷  
端為君傾舊時猿鶴敢寒盟鳩居從拙計鵬翼任高  
程

減字木蘭花

凝雲不動玉海無聲千丈凍來倚闌干襟袖竟虛徹



骨寒 歸心易折後夜月明應恨別  
畫圖邊著我  
被蓑上釣舡

又

東籬黃菊細撚香枝人事熟少緩芳樽且醉儂家麪  
米春 老人齋戒底事秋來移角帶歸夢相關明月  
松江萬頃寬

又

盈 裹 歆 閣 卿 還 好 無 柰 媯 何 措 湘 君 薄  
薄羅 樽前願曲舞作回風花拍促壓盡時流暮裏  
輸伊一百籌

又

先生困熟萬卷書中聊託宿似怯清寒更熟都梁向  
博山 游仙夢杳啼鳥聲中春又曉未著烏紗獨坐  
溪亭數落花

又

殷勤舉白昨夜東風猶有雪莫恨春遲曾見梅花第  
一枝 陰晴未決早晚清明新火活夢遶秦樓欲趁  
歸潮上客舟

鷓鴣天

酒暈從教上臉丹春愁何事點眉山都將別後深



意且向樽前細看 多少恨說應難粉巾空淚  
瀾斑爐幌第鴈長閑却明月樓心夜正寒

又

指剝春蔥去採蘋衣絲秋藕不沾唇塵眼波明處偏宜  
笑眉黛愁來也解顰 巫峽路憶行雲幾番曾夢曲  
江春相逢細把銀缸照猶恐今宵夢似真

又

昨夜東風怨不成曉來猶自掃殘英半酸梅子連枝  
重無力楊花到地輕 情易感涕先零玉虬香冷更  
淒清事如芳草綿綿遠恨比浮雲冉冉生

又雪梅

剪碎霜綃巧作團玉織特地破朝寒疎花好向釵橫  
見瘦影難敲月墮看 將舊恨入眉灣不須多樣綉  
金襴當時千點東風淚怪見妝成粉未乾

好事近

我欲御天風飛上廣寒宮闕撼動一輪秋桂照人間  
愁絕 歸來須著酒消磨玉面點紅纈起舞為君狂  
醉更何須邀月

又

枝上幾多春數點不融香雪縱有筆頭千字也難誇



清絕 艷桃穠李敢爭妍  
清恣笛中咽 試策短筇溪  
上看影浮波月

卜筮子

雪後竹枝風醉夢  
風吹醒瘦立寒階  
滿地春淡月梅  
花影 門外轆轤寒  
曉汲喧金井長笛  
何人更倚樓  
玉指風前冷

又

澗下水聲寒壑底  
松風靜時有清香  
度竹來步月尋  
踈影 往事屬東風  
試問花應省 曾是  
花前把酒人  
別夢溪堂冷

三登樂

南北相逢重借問  
古今齊楚燭花紅  
夜闌共語悵六  
朝興廢但倚空  
高樹目斷帝鄉  
夢迷鴈浦 故人踈  
梅驛斷音書有  
數塞鴻歸過來  
又去正春濃  
依舊作天涯  
行旅傷心望極  
淡烟細雨

又

注望曉山晴色  
麗晨餐應飽  
穀紋平漲天渺  
倚藤枝撐艇子  
昔游曾到江山  
自古水雲轉好  
悵年來心縱在  
盟寒鷗鳥故人  
中黑頭漸少  
問幾時尋舊約  
石磯重掃一竿  
釣月鬢霜任老



又

久蟄羣虬猶未肆新雷初啓鼓東風雨膏為洗望橫塘越溪路石湖烟水西接洞庭下連甫里憶當年歸計早扁舟從此祖清風相門有幾圃堂高應解笑紛々蝸蟻錦囊雪月更看醉裏

又

一品歸來強健日小園幽圃扁舟興恐天未許想當年持漢節衆齊咻楚丹忠此日盛名千古揆詞章師海內緯文經武莫寒盟故山舊侶到鱸鄉還是秋風斜雨鳴刀鱸雪未應便去

浪淘沙

風雨晚春天芳興慵慳淺紅稠綠滿園間獨有梨花三四朵留住春寒年少躍金鞍咫尺關山倦飛如我已知還洒向東風千點淚衣上重看

虞美人 寄人覓梅

融子睡覺東風息行到溪亭側一枝梅玉似人人索笑依然消瘦不禁春相逢試問情多少應怪山翁老翠蘿高護結花隣一任餘芳爭學捧心顰

又

天公意向人情滿燈月人同看中秋雖是十分明不



此今宵處，有華燈。艷桃穠李，歌闌後更醉青樓。  
酒不妨飲盡，玉東西橫，笛聲中春色。要君知。

又

飛瓊曉壓梅枝重，酒面羊羔凍。誰將縞帶逐車翻，明  
月秦樓昨夜不勝寒。何須捲起重簾幙，愁怕春羅  
薄。玉杯持勸醉厭，無柰有人龍袖出香尖。

又紅木犀

乾紅剪碎煩纖玉，相並黃金粟。漢宮素面說明妃，馬  
上秋風應解著。臙脂黃昏小樹，堪愁絕。不比梅花  
月滿天，風露透肌涼。揷取雙枝歸去，是誰香。

醉落魄

元夕

東風寒絕，江城待得花枝發。欲知此夜碧天闊。

雪

大參相公望重百僚，名滿四海，有志之。願見  
而不可得者也。一日，客懷詩詞數十篇相示，曰：  
此大參范公近所作也。三聘正容斂衽，登受謝  
客曰：夫珍奇之觀得一而足，况坐群玉之府，心  
目為之洞駭足之至者，止於此乎？客之賜厚，無  
以加。既去，披吟累日，輒以蕪言屬韻，可笑其不



和石湖詩  
自量矣然使三聘獲登龍門賓客之後塵與聞  
黃鐘大呂之重平時之願至足于此則今日狂  
率之意無乃自為他時之地哉至于良玉武夫  
雜然前陳茲固不免于罪戾尚可道耶東吳陳  
三聘夢徵謹書

和石湖詞終



